



UPDATE: CUNUCU ARUBIANO ... UN ECO-LODGE UNICO

Den edicion 2 di Nos Florin na fin di 2006 nos a raporta riba e proyecto unico aki di entrepreneur Eddy Paris (38) cu ta construcion di un Eco- Lodge riba 45.000 m² na Sta. Lucia. Un idea cu Eddy tabatin di aña 1991 caba, caminda el a mira hopi desaroyo nobo na Aruba, pero nada

cu ta parce 'eco tourism'. Segun Eddy - cu semper tabata stima e parti cultural y naturalesa di Aruba - **Eco Tourism ta un stap logico pa Aruba.** Meim mei di 50 burico, cu ta forma parti di e Donkey Sanctuary, Paris a construi 3 casitanan luho incluyendo un pool, un restaurant y detayenan

manera un 'wine cellar' y un 'cigar tent'. **E revista conoci Cigar Aficionado ta interesa di scribi un articulo cu sigur lo contribui den e 'Organic Image' di e proyecto,** Paris ta conta nos. Den su estado actual 3.000 di e 45.000 m² ta desaroya.






“E gasto di
construccion
a subi cu 40%
e ultimo 2
añanan”

E proyecto tin
hopi detayes refle-
hando e arkitektura
di origin Hulandes cu
su ‘landhuizen’, cu ta

un estilo tradicional
y rustico cu colornan
Caribense. E estilo aki
ta bini bek den e in-
terior di e casitanan,
pero cu su tocanan
moderno manera un
‘flat screen TV’, ‘wire-
less internet’ y airco. E
parti cultural tambe
ta hunga un rol gran-

di den e proyecto aki,
caminda den cada ca-
sita tin un pintura di
un artista local (entre
otro Belinda de Veer
y e ultimo pintura di
Winston Davis cu a
fayace poco despues)
riba un muraya cu ta
expresa e historia y
cultura di Aruba.





"Check-in y scohe mesora bo botter di biña..."

Paris lo contrui 17 casita mas riba e tereno pa yega un total di 20 cu ta dun'e su 'economies of scale'. E cantidad di 20 ta cai bou di e margin di un ley nobo di 'Zoning', caminda tin restriccion den construccion den cierto area protegi. E ley nobo di 'Zoning' ta permiti un cantidad di 90 casitas den e caso di e proyecto aki. Den un siguiente fase Paris lo kier construi un cancha di golf di 18 'holes', **algo unico y cu lo pone Aruba como un 'golf destination' hunto cu e otro canchanan**, segun Paris. Eddy tambe tin un 'Wellness Center' proyecta den su cas actual riba e tereno (cu ta mas cu 80 aña bieuw), e cas tambe lo fungi como lobby di e Eco-Lodge caminda e turista despues di su 'check-in' por scohe un botter di biña...

Cunucu Arubiano lo bira miembro di 'Small Luxury Hotels of the World', un organisacion cu ta duna hotelnan

chikito e facilidadnan di un 'brand' mientras cu e hotelnan por mantene nan independencia y exclusividad.

Como introduccion, e prijs pa Cunucu Arubiano ta varia entre 235 pa 350 dollar. Pa mas informacion por bay na: www.cunucuarubiano.com

Potret: Luis Mejia

